

品官家儀考

品官家儀考

番禺林伯桐撰

男世懋校刊

品官冠儀

告廟

前期

主人諏吉告於家廟

未立家廟者爲位於廳事兩楹之間

也主人公服

再拜

告曰某子某年若干矣卜

某日冠吉謹告

宋司馬文正公

光

曰古禮謹嚴之事皆行之於廟今

人既少家廟但冠於外廳可也

主人冠者之父也或冠者有祖未及

七十老而傳則祖爲主人宋司馬文正云主人謂冠
看之祖父及諸父諸兄凡男子之爲家長者皆可
是也

請賓

前三日

遣人戒賓

按儀禮士冠禮主人自戒賓宿賓政和五禮新儀品官冠

子儀亦然考宋司馬氏書儀云今欲從簡但遣子弟若童僕致命或爲辭達之賓答亦然按此卽今人用請帖賓有回帖之意

前一日

又遣人宿賓

按此卽今人用速儀禮士

冠禮

注云賓主人之僚友古者有吉事則樂與賢者

歡成之宋司馬文正公曰凡賓當擇朋友賢而有禮

者爲之

按或親或友皆可

陳設

質明質正也謂冠曰早晨 夙興 堂上中列賓席 左

列冠席 用槃盛其冠以紅帕蒙之 右列醮

席 設爵杯於席上

序立

主人以下凡執事者皆盛服執事者謂家之子弟親戚凡預於行禮者皆是

若有僮僕預於執事則立在親戚之後 皆盛服 序立

迎賓

賓至 主人迎入 升堂 賓主拜畢

親友揖賓 主人送賓坐 獻茶

加冠

冠者從內出

盛衣而不冠或戴小帽

賓興

賓揖將冠者就席

執事者進冠

賓以冠加

於冠者之首

賓祝冠者

按宋司馬氏書儀三加祝辭皆用儀禮之辭政

和五禮新儀三加祝辭皆新撰此等似不必拘泥或用古辭或出新製或用鄉俗通行言語俱可隨便但使聽者皆知教以成人之意則可矣

醺辭倣此

冠者入於房

再加

再加

如初加之儀

再加之後冠者仍入於房

三加

三加 亦如初加之儀

醺

賓揖冠者就醺席

儀禮士冠禮注曰酌而無酬酢曰醺禮記冠義疏曰醺者醺盡之

義

執事者進酒

賓持酒敬冠者

司馬氏書儀曰古者

冠用醴今以酒代之所以從簡

冠者受爵置於席上

再拜

謂兩叩首也

賓答拜

冠者興

執爵祭酒少許於地

乃啐酒

啐少飲酒也

再拜

賓答拜

字

賓字冠者

按宋司馬氏書儀字辭亦用儀禮之文政和五禮新儀則別為辭又考朱子曰加冠

之辭只以俗語告之使之易曉乃佳是則得其意不必泥其辭也

冠者再拜謝

賓 賓回揖不拜

賓告退 主人畱賓 賓出 就次

謁廟

主人率冠者見於家廟

宋政和五禮新儀云冠者廟見如常儀按未立家廟者自

可於家中祖先位前行禮也

見尊長

冠者拜父母

後漢何氏休曰冠者還房自整飾出拜父朱子曰父母堂中南面坐

行四拜禮

父母爲之起

宋政和五禮新儀曰拜父父爲起入拜母母爲

起按以其成人而與爲禮正以責成人之道焉

見諸父諸兄

宋司馬氏書儀

日諸父為一列諸兄為一列每為之起
列再拜見諸母姑姊倣此
人見諸
母姑姊皆為之起

冠者拜親友
親友為之揖

冠者徧謁家中尊長
朱子曰同居有尊長後此似揖
改揖不離出至室中揖行訖都揖
則父母以冠者
請其室拜之
尊長為之起

禮賓

主人禮賓

賓退

酬賓以禮物
厚薄隨宜

品官家儀考證

番禺林伯桐撰

冠儀考證

男世懋校刊

冠禮三加今亦可用考

冠禮用三加各有意義宋陳氏

祥道

曰始加緇布不

忘本也

五經名義云緇布冠欲其尚質重古

次加皮弁朝服也三加爵

弁祭服也不忘本然後能事君能事君然後能事神

所謂三加彌尊喻其志者

禮書

按冠無常月寒暑皆

可三加卽今通行之冠夏月初用袂紗小帽次用雨

纓帽後用夏緯帽則三加矣冬月初用袂緞小帽次

用緞邊冬緯帽後用絨邊冬緯帽則二加矣化其躐等之心勉以漸進之意此亦好禮者所當酌用也

教成人最要立志考

人之成立必先有志考方氏慈曰服彌尊則志宜彌

大故曰喻其志也

宋陳氏祥道曰上而有冠則天道也中而有服則人道也下而有履

則地道也

按陳氏之意蓋謂加冠而後三才之道備

又考漢劉子政

向

曰加

冠以勵其心棄幼小嬉戲惰慢之心而衍衍於進德

修業之志內心修德外被禮文所以成顯令之名也

說苑

蓋人生各有習染若非志以帥氣則所謂教成

人者未必卽能受益也又考晉趙文子冠見張老而

語之語以諸大張老曰從欒伯之言可以滋范叔之

教可以大韓子之戒可以成物備矣注云物事也志

在子

注云能行與否在子之志

國語晉語

是則舍舊謀新朝益

莫習立志爲本古今皆同喻此而已

冠禮有辭所以申教考

行禮必有辭所以道達禮意俾冠者不忘非徒取吉

祥也考後漢何休冠儀約制其祝辭曰令月吉日始

加元服棄爾幼志順爾成德壽考惟祺介爾景福通

典

又考晉王堪冠禮儀冠中外四孫有申誠之辭此

俱用儀禮之文又考梁蕭子範有冠子箴前半用真

韵後半用紙韵又考梁沈約有冠子祝文曰饗茲令
日元服肇加成德既舉童心自化行之則至無謂道
賒敦以秋實食以春華無恥下問乃至高車子孫千
億廣樹厥家此則自揆者或述古或新製必有辭以
達意固世族所優爲者也

冠禮有行於學者可知其重考

歸震川曰崑山葉

良林

爲文莊公嫡曾孫提學御史

張鰲山以君名臣後親至學爲行冠禮而字之曰世

德

震川集

是則以冠禮爲少年之榮何爲而不行哉

受業江甯鄧爾

顧成覆校

品官家儀考

番禺林伯桐撰

男世懋校刊

品官昏儀

納采 謂納其采擇之禮也

諏日

具書 書詞隨宜

別具昏者生年月日

鄉俗謂之年庚

使媒氏告於女家

朱子曰必先使媒氏往來通言俟女氏許之然後

納采

主人

謂昏者之父伯叔兄主昏亦同

或以

子弟一人爲使者

媒氏通往來之

言行禮則又有使者

屆期夙興

子弟爲使者公服待於廳

主人

公服奉書

年庚附於書

出

西面授使者

再拜

使者避拜受書

奉書往女家

按必有從者奉禮物

隨往

女氏主人

謂女之父叔兄主昏亦同

或伯

亦使子弟一人爲擯

爲擯者公服待於廳

賓至

擯告主人

主人如賓之服

按亦穿公服

出迎於門外

揖

讓入門

升堂賓左主人右

入堂少深賓

東面奉書致辭

按賓致男家主之意以為辭

從者

謂賓之從者

陳禮物於庭

主人北面再拜受書

賓避拜

賓請退以俟命

擯者揖賓歛賓

於別室

主人以書入

詣家廟陳書於案上

啟櫝告

事如常儀

主人具復書

書女為誰氏出及生年月日

附於書

擯者延賓升堂

主人奉書出西面授賓

主

人再拜

賓受書避拜

主人請醴賓

賓禮辭而後許

賓東主西揖

讓就坐

進饌行酒三巡

賓興離席告退

賓揖主人答揖

主人送賓於門外

使者還

復命

男家主人再拜納書如授書

之儀

男家主人禮使者行家人禮

謂使者既復命後則仍是子弟耳主人但設席

禮之而不用
賓主之儀

納幣

諏日

具書

備禮物

章服一稱章如其品

一稱謂一副也

一品至五品官

表裏各八兩

衣有表有裏表謂衣之外面裏

謂裏袖 八兩者八卷也每正分兩頭卷之至中間而合故曰兩取其配合之意

容飾

謂釵釧簪珥之屬

合八事

食品六器

五品

至

七品官

表裏各六兩

容飾合六

事

食品八器

謹按

通禮小

注

云凡禮物豐儉各如其品不

得踰越力不能具者聽其量力備物

此謂雖大有

於禮外增多或其力偶不足者自可量力而為不論多少皆得

使媒氏豫先告於女家

屆期

主人遣使

以子弟為使者

奉

書

禮物

往

女家

女家主人

受書及禮物

告於家廟

復

書

禮賓

賓還復命主人

男家主人禮使者

均如納采之儀

請期

諏吉

主人書昏期於東

三品以上官

備羊酒

四品以下官

備

鷺酒

主人遣使

以子弟爲使者

奉往女家

女家主人迎賓入

賓致辭

致男家主
人之辭

請期

主人辭遜

言日期當由
男家擇定

賓乃奉書告期

主人拜受

主人具復柬授賓

賓還

復於男家主人

均如納采 納幣之儀

楊氏復曰昏有六禮家禮畧去問名納吉以
從簡便但親迎以前請期有不可得而畧者

陳匱

昏期前一日

鄉俗亦有前
三五日者

女家主人使人以匱具陳

於壻之室

親迎

初昏

今鄉俗多以日間往迎

婿公服

俟於堂下

公服者婿有官則用其官之服若婿未有官則攝

盛謂三品以上官其子孫未有官者則攝五品服

五品以上官其子孫則攝七品服六品以下官其

子孫則攝八品服儀從亦如之

男家主人公服出

立於堂東

面向西

婿升自西階

自階下升於堂也

再拜

謂兩叩首也

執事

者升

自階下升堂也

授婿爵

先設醺爵於堂下之東酒壺皆具臨時取用

婿跪受

卒爵

反具爵於執事者

此時婿尚跪則執事

者當跪受之

主人命之迎

婿曰瞻

興

降謂下

出

婿馬一乘

鄉俗通用肩輿

二燭前馬

鄉俗通用燭籠在轎前

家雁

婦輿一乘

今鄉俗通用花轎或用車各隨宜

檐

謂轎帷即

如車帷

蓋

謂轎頂即如車頂

飾采絹垂流蘇

謂長縫

五品以

上前後左右各二

謂流蘇八條

六品以下前二後二

謂流蘇四條

燈不得過六對

鼓樂不得過十二人

凡品官皆同

以上各物齊備先俟於門外

婿乘馬

鄉俗多乘肩輿

執事者奉家雁隨之

儀從

在前

持鈴及鼓樂人皆從之

婦輿在後

往女家

其日女家主人告於家廟曰某之第幾女某將以今

日歸某氏敢告

其餘皆如常儀

謂如常時謁家廟之儀也主人

告廟畢卽還內堂

主人位在內堂東

主婦位在內堂西

姆謂女之

師也相女具服其服視壻之等

謂壻用幾品之服則婦之服亦如之

加飾 出

至主人主婦前北面再拜

侍者斟酒醴女

主人訓女以宜家之道

女識之

謂心中記得

不唯必

答聲也

主婦施衿

衿帶也

結帨

帨巾也

申命之

申明王命也

女識之不唯

壻至女家

女家主人出迎於門外

揖讓而

入

壻執雁從入

主人先行引壻入者執家雁雁隨壻入

言壻執

雁者舉其禮之名耳

女家主人立於東階上

面向西

壻立於西階上北

面立

階謂簷前石砌也倘石砌淺不便行禮則立於簷前階下鄉俗所謂天井者

壻奠雁

謂安置其雁也再拜

女家主人不答拜

姆

其鄉俗本無女師者則女之尊長老婦為之

為女加景蓋首

景謂單衣也鄉俗通

用紅紬或紅綢紗蓋於首謂之頭帕

出於簷前石砌

婿揖降

揖其婦降階也

女從

女家主人不降送

姆導女升輿

一二燭前輿

女家亦使兩人執燭在女轎之前今鄉俗通用

燈籠

婿乘馬

鄉俗多乘肩輿

先行

俟於門

婦至

降輿

婿導婦升自西階入

婿既於門揖婦即先

行引婦以入

踰闕

媵

謂婦家所使隨女來者

布婿席於東

御謂男家所使者布婦席

於西

婿婦交拜

合卺

姆脫婦景

鄉俗俱係婿以摺扇挑脫紅紬謂之挑頭帕

設席於室中別以案設合卷之器 媵御設匕箸醯醬於媵設

之前御設於婦之前 婿揖婦 婿東婦西就位坐

饌入 卒食 媵取琖此合卷之琖也實以酒醕

婿醕漱也以酒漱口也又御取琖合卷之琖實以酒

醕婦 三酌 婿出

媵御設衾枕媵設婿之衾枕御設婦之衾枕 婿入

婦見舅姑鄉俗謂之拜堂

厥明謂昏之次日 婦夙興 奉棗栗服修詣舅姑

姆入 設席姆先入於堂中督媵者設席 舅位在堂東

姑位在堂西皆南向

舅姑皆卽席

婦執筭

竹器有衣者

實以棗栗

升

自西階

北面再拜

兩叩首也

奠於舅席前

舅

坐撫之

謂以手撫其筭

婦興

降階

執筭實

以服修

升

亦升自西階

再拜奠於姑席前

姑坐撫之

舅姑皆興入於室

婦具酒饌設匕箸醢醬

皆姆督饌者備之

請行盥饋禮

舅姑皆出

自舅姑之室而出於內堂

就坐

婦奉饌入

入於堂中獻

舅姑

舅姑卒食

婦乃酌酒酌舅姑

婦送酒皆再拜

舅姑卒食

興

舅姑共饗婦

侍者設婦席於阼階上

東階之上也西

向婦位

具酒饌

設匕箸醴醬

舅姑於

堂中臨之

婦就席卒食

姑醕之

姑以酒與婦

婦拜也叩首受

卒飲

舅姑先降自西階

婦降自阼階

退

退歸婦之室

饗婦送者

男於外

女於內

酬以布帛

鄉俗多以白金

廟見

三日婦見於家廟

厥明執事者設饌具

主

人布席在階下之東新昏者

鄉俗謂之新郎

從於後

主婦布席在階下之西新婦從於後

各就位再

拜

主人升

謂自階下而入神堂

上香

獻酒

讀告辭

退

立於東

謂立於神堂之東

新婦進當中階下

謂在階下之正中

北面再拜

興

復位

謂復於階

下之西從主婦之後

主人復位

謂復於階下之東

及主婦以下

謂主人及主婦及新郎新

婦

皆再拜

興

禮畢

皆退

婿往女家

諏日

婿以贄往見婦之父母

女家主人迎於門外

揖讓而入

升堂

壻奠贄北面再拜

主人西面答拜

壻請見主婦

壻於寢門外

謂主婦房門外

再拜

主

婦於門內答拜

壻出

主人設酒食禮壻

品官家儀考證

番禺林伯桐撰

男世懋校刊

昏儀考證

納采之禮不必省考

昏禮有六 一曰納采 二曰問名 三曰納吉 四曰納徵

五曰請期 六曰親迎 自朱子家禮其初卽納采

問名納吉

皆括於納采之中

則六減爲四 親迎之禮多不行 則六減爲

三 簡便甚矣 而流俗誇多於至簡之中 自生其繁 於是不計禮意之得失 但欲禮物之繁華 往往畧去納

采併人納幣以見其多或欲行納采禮每憚其難於
備物矣考劉山蔚曰減六而三不得更減誠貧也一
禽一果何譏焉謂僅以一禽一果納采人亦不得譏笑之今俗有并納采
而亦廢者斯亦不敬其始也哉答昏禮問此禮意之
當考者也

昏期不必用五月考

昏期古皆用深秋後仲春前荀子所謂霜降逆女冰
泮殺止者後世則隨時可用杜氏通典所謂「得吉
日則可配合四時通用」嫁娶時月儀是也惟五月頗
多忌卽如九毒日之說人多知之謂五月逢五逢六

逢七此九日人人皆當潔居夫婦有別是則此九日

非可合昏之時然猶謂道書之言耳考宋陸放翁先

生云道家以五月十六日夫婦當異寢

此卽九毒日之說十六日

居九毒日之正中則尤忌舉此日以概其餘也

違犯者夭折世以爲忌云云

則渭南

陸放翁封渭南伯

深探其說不欲人違之矣又引宋

哲宗用五月十六日立后其恩好不終以爲後世之

戒

詳載老學菴筆記

謹按禮記仲夏之月陰爭陽止

聲色毋或進節者欲定心氣

月令

經訓甚明則昏期

可以勿用至五月十六日已有故事可證尤當避之

此亦建除家

謂釋日家

所宜講求也

昏禮必當先告廟考

盛氏

世佐

日記曰齋戒以告鬼神謂非告廟可乎儀

禮之文不具者多矣他傳記足以補之隱八年左傳注云禮逆婦必先告廟鄭忽先逆婦而後告廟故曰先配而後祖杜義要有所本竊疑告廟當是壻父率其子以告

昭元年

左傳楚公子圍娶婦告廟疏云臣

奉君命聘於鄰國猶釋幣於禰乃行况昏是嘉禮之

重此說得之

宋司馬文正公曰夫昏姻家之大事其義不可不告

白虎通曰遣女於禰廟者重先人之遺支體也父誠於阼階母誠於西階去不辭誠不告者蓋恥之重去

也

婦至當先謁祖而後合卺考

左傳譏先配而後祖鄭氏

眾

云昏禮先祭祖謂之祖

然後同牢而食謂之配是則婦初至必先謁於祖矣

考毛初晴

奇齡

曰婦至舅姑在則舅姑爲主人謂之

拜舅姑此時之拜賓主之拜也

張南士曰婦至父母出迎以賓禮見不以

婦禮見故此日稱見婦次日稱婦見

然後帥以謁廟次日質明則上堂

行婦見之禮或舅姑已亡則迎婦謁廟皆以長者爲

主而上堂之見質明無有必待祭而行尊子問所至三月

而廟見成婦之義者夫婦之稱成於納徵而子婦之

稱必俟廟見始成之重子婦而輕夫婦西河合集按

俗忌以婦初至舅姑不可遽見之相沿已久然亦當

使家中長者延婦入導之謁祖而後合卺可也傳是齋日

記云古無無主而可以行禮者昏以父為主謂之主昏

正謂此也

婦至三日可廟見考

吳定曰三月廟見從其至遲者以爲斷也程子改

三日廟見經世文編李文貞公曰改定三日今便可

從榕村語錄

看新婦者實因觀禮而得見考

王白田曰雜記婦見舅姑兄弟姑姊妹皆立於堂下

西面北上見已

注云其見主於尊者兄弟以是則下在位是爲已見不特見

看新婦者實因觀禮而得見唐李涪刊誤云昏禮婦于庭拜舅姑次謁夫之長屬及中外故舊通謂之拜客此仍以禮見也後世鬧房且加虐焉全與禮意相反考抱朴子曰至於德爲鄉閭之所敬言爲人士之所信誠宜正色矯而呵之何謂同其波流長此弊俗哉

疾謬篇

正謂此也

拜時之婦實屬權制考

通典載謝安云拜時雖非正典共行久矣將以三族多虞歲有吉忌故逆成其禮耳又謝奉曰雖未入壻

門今年吉辰拜後歲便得以成婦迎之有定也蔡謨曰壻

父命使拜其婦女父遣女拜受此命拜壻之宗親按謂壻父所命之使女拜而受命也與拜舅姑於禮無異

又議曰拜時之婦自東漢及東晉咸有此事或時

屬艱虞按謂男女兩家或有宗族之喪歲遇良吉按謂宗族無喪事急於嫁

娶謝奉曰男女宜各及時權爲此制以紗縠幪女氏之首而夫

氏發之因拜舅姑便成婦道隳政教之大方成容易

之弊法宋齊以後斯制遂息

合卺從者宜用婦女考

宋司馬文正公曰合卺贊者兩家各擇親戚婦人習

於禮者爲之凡壻及婦行禮皆贊者相導之書儀又

曰婦從者壻從者各以其家之女僕爲之

親迎可不必廢考

國朝毛大可奇齡曰春秋諸侯親迎或有故若疾病則遣大夫迎之大夫以下則無不親迎者雖越境亦然昏禮辨正

不因女病而悔婚宜有善報考

凡議昏自當擇女之無病者若既定婚而女忽得病女家已覺不安而男家當知此亦定數固守成約方爲忠厚近時蔡西垞諦姻於薛葦塘鼎銘孫女旣而文有赤鬚薛告於蔡辭昏人勸蔡另委禽西垞曰紅

絲一繫卽當百年迎女歸踰年西垞鄉捷夫人髮更生竟如雲委

明齋小識

假使蔡旣悔婚而其女復生

髮而更好豈不終身歉憾故存心行事總宜近厚天之所助者順也

不因權勢而悔婚亦未嘗不得志考

定婚後而中變不特損陰德問心必不安昔晉王子敬因尚主而易妻猶終身抱歉况爲權勢所移者乎

考明袁莞沙

昌祚

丰神玉立舉鄉試第一嚴世蕃當

國欲擇爲壻使人啖以易妻則會狀可得袁弗應嚴恚每當禮闈百計抑之袁亦不介意至嚴敗袁乃售

見曉瑣言

蓋功名遲速有定而貪貴易婚一失足成千古恨矣况冰山本不足恃乎何如安常以待之爲愈也

不因遠隔而悔婚自有顯報考

地有遠近許昏後或因遠出音問隔絕此則存乎人之守信與否矣考劉蕺山曰張寅安福人少遊學於冀後領順天鄉薦冀人爭欲與聯姻寅曰寅嘗聘邑人康氏女今南北不相聞問者十年何忍因其年遠而棄之耶會試後乃南歸先是康之父母亦議改適其女其女以死自誓至是遂諸伉儷後寅成

進士康封安人 人譜類記

捨已昏資以完人本婚遂有厚報考

人之昏娶費用已多確知其女已先許人捨已以完其婚此非常之陰德江蘇秦簪園先生爲孝廉時續娶某氏昏夕見其悲啼不止問之曰妾幼許鄰村李氏子父母嫌其貧逼休改嫁竊念有乖婦道是以痛耳秦聞之竦然曰幾成吾過乃趨避外舍命僕召李李至語之故且曰今良辰可合卺所有奩資舉以相贈李感激涕零莫知所對夫婦叩謝而去秦於乾隆癸未進士大魁天下

秋燈叢話

乘喪婚娶甚謬考

今人有服而婚娶謂不得已也然禮法之家必欲少待近時朱文正公官於山西時公子錫經當受室新婦至晉數月矣時公子有從兄大功服文正必俟服滿後始令成婚曰吾不教汝以失禮也

朱文正公年

謹

擇壻卽有勉勵之意考

凡門地高者擇壻慎之又慎蓋諸壻皆賢智使有一庸陋者雜居必彼此不安類族辨物卽所以勸善不

知者以爲苛求誤矣考宋楊慈湖曰葉元吉

祐之母

張氏有二女擇配甚嚴或以爲太過曰不然是家故
有了齋陳公爲壻不可使俗子壞其素風

陸子學譜

然則欲壻於名門必先自立有志者可以興起矣

名家子弟就婚路上不廢學考

流俗偶因家慶便束書不觀况將新昏其廢學固矣

近時蔣礪堂先生

攸銘

十七歲自潞河至德州就昏

封翁於舟中日課以詩

繩樞齋年譜

奩物尙侈古之名臣所不許考

今人侈陳奩物勉強從事不知清門望族轉以爲嫌

宋范文正公子

純仁

娶婦或傳婦以羅爲帷幔公聞

之不悅曰羅綺豈帷幔之物耶吾家素清儉安得亂

家法持歸當火于庭

言行拾遺事錄

觀此則勉強治

妝者真不必矣又考胡

用賓

云嫁女上戸不得用珠

綺中戸不得用金紵下戸不得用銀帛

浙江通志

夏醴谷

之蓉

曰婚禮者人倫之始以禮重非以賄重

也問資裝之厚薄問聘財之豐嗇此市井駟僧事夫
人當嫁娶之年血氣未定如素絲然隨所染者也今
乃示之以侈導之以淫縱之以驕可乎

切問齋文鈔

兒女嫁娶分先後用度須畧有定考

兒女不止一人卽須通計前後畧定款式每娶婦約

費用多少每嫁女約費用多少不甚相遠乃不至有輕重之嫌若隨時任意自便則前後參差矣考明劉君麟長媳入門初見偶有元寶一錠予之不二三年娶次媳值囊空數金弗能也唐君曰使當初預計何至厚薄懸絕如此見聞雜記可見嫁娶必畧有定式庶無窒礙

禮物從宜考

秦文恭公蕙田曰朱子之意雁乃大夫之摯本非士庶人所得用故爲攝盛蓋士當用雉而雉不可生致舍雉而用雁記云摯不用死是也先儒順陰陽來往

之說似屬附會

毛初晴曰雁本贅物 親迎婿與雁亦是贅禮今人不解竟詔爲納昏禮物

秦文恭公曰內則未冠笄者總角衿纓此幼時纓也
曲禮女子許嫁纓卽士昏禮主人親說卽脫婦纓之
纓主人明此纓爲己而繫也然亦暫脫之耳婦事舅
姑衿纓仍當飾之

通典言物之所象云羊者祥也羣而不黨雁則隨陽
白酒歡之由粳米養食嘉禾須祿膠能合異類五色
絲章采屈伸不窮合歡鈴音聲和諧鹿者祿也又有
丹爲五色之榮青爲色首東方始 又云羊則牽之

雁以籠盛綰以筭盛米以黃絹囊盛米稱斛數酒稱
器脯腊以斤數 又考後齊聘禮皆用羔羊一口雁
一隻酒黍稷稻米麴各一斛自皇子王以下至於九品皆同流外未
入流及庶人則減其半

七修類藁曰種茶下子不移種移種則不復生錢竹汀曰

聘以茶爲禮取其從一之義蓋起於明代故女子受聘謂之喫茶

杜氏佑曰元纁儷皮當時之所服耳秦漢以降衣服

制度與三代殊不合更以元纁及皮爲禮物也通典

宋司馬文正公曰檀褥帳幔衾裯之類女家當具張

陳者俗謂之鋪房其衣服襪履等不用者皆鎖之篋筭牀榻

薦薦椅桌之類

書儀

宋司馬文正曰合盂壻具盛饌古者同牢而食必殺
牲恐非貧家所便故止具盛饌而已 士昏禮婦盥
饋特豚合升側載注側載者右肺載之舅俎左肺載之姑俎今恐貧者不
使殺特牲故但具盛饌而已

司馬文正曰迎女壻舉簾以俟昏禮壻授綏姆辭不
受注綏所以引升車者今無綏故舉簾 又曰古筭
制度漢世已不能知今但取小箱以帛衣之皂表緋
裏以代筭

朱子曰昏禮用命服乃是古禮冠帶止是燕服非所

以重正昏禮

徐仲山曰若婿父有貴者則子可用父車服不必攝盛女父有貴者亦同傳是

齋日記

受業馬福安覆校

品官家儀考

番禺林伯桐撰

男世懋校刊

品官喪儀

初終

有疾居正寢

婦人則居內寢

疾革

疾甚有遺言則書之

三品以上官當具遺摺則

書之

先書其稿也

哭踊

既終 子號哭擗踊

去飾

子兼嫡庶長幼言去冠

被髮

徒跣

婦人女子去笄

笄簪也去笄則去耳環可知

期服以下

男子素冠

婦女去首飾

皆易素服

環哭

男在東

女在西

環牀而哭

謹按此合一家男女言服重者近前服輕者漸後雖極急遽仍分別男女之位不可混也

於尸東之前設案

奠以鬯餘

生前食飲所餘

脯醢酒果

用

吉
器

立喪主

立喪主

嫡長子為喪主如嫡長子已歿則以嫡長孫如嫡長子已歿未有後則以次長子

主婦

父喪則嫡母為主婦如嫡母已歿抑或母喪則皆以喪主之妻為主婦

謹按凡事當有主管以專責成送死大事也立喪主以主外事立主婦以主內事

設護喪

另設子弟護喪事

如贊祝司賓司書司貨各執事之類

治具

治襲殮之具

治棺

治凡喪具

計

護喪者使人訃於有司及親屬僚友 三品官以

上當使人上遺摺

設沐牀於尸牀前 牀東置案陳沐浴巾櫛含具

侍者於寢室施幃

侍者遷尸於沐牀南首

謂尸之首在南

男喪則女出女

喪則男出

男喪則子孫爲之沐故婦女在南皆避出女喪則婦女爲之沐故男子皆避出

雖極急遽而男女不可無別也

侍者奉湯入

哭止

沐

髮

櫛之

晞以巾

束之

抗衾

抗舉也

而浴

拭以巾訖

結襲衣

舉尸易牀

自浴牀易於襲牀也

徹浴牀及浴具

埋巾與櫛及餘水於僻處

謹按沐浴當用新水於井取之可也里俗汲於河濱轉不如井水之明潔更用鼓吹明燈喧嚷於路致令子孫背尸而外出特禮所不許亦恐有忍心之嫌也

襲牀在浴牀之西

襲事陳於其旁

常服一

稱

常服謂常日所服以別於公服也一稱謂一副也

朝衣冠帶各以

其等

謂各有等級所當用者不得僭也

鞞皆備

三品以上含用小珠玉五

七品以上含用金玉屑

五

適去衾

襲常服

諸子止哭周視

止哭則稍靜而後能

周身詳視

舉尸易牀

自浴牀遷尸於襲牀也

襲朝服

加面巾

立魂帛

喪主以下爲位而哭

喪主及諸子坐於牀東奠

北 同姓男子以服爲序坐諸子後

面向西

主

婦及諸婦與諸女子坐於牀西

同姓婦女以

服爲序坐諸婦後諸妾又在其後

面向東

男女均

以南爲上

尊行男子坐於東北壁下

以西爲上

尊行婦女坐於西北壁下

以東爲上

異姓男子

坐於幃外之東

以西爲上

異姓婦女坐於幃外

之西

以東爲上

若內喪

謂婦女之喪

則同姓男子皆坐幃外之東

異

姓男子皆坐幃外之西

含

執事者奉含具而前

喪主起

盥

謂喪主自盥手

含尸

小殮

執事者帷堂如寢

陳殮牀於堂東

加殮衣

復一禪一

三品以上殮衣五稱

謂五副也

復三禪二

五品以上殮衣三稱

復二禪一

六品

以下殮衣二稱

復一禪一

殮衣皆以緇

復衾一

二品以上色絳

四品以上色

緇 五品色青 六品色紺 七品色灰

紵 紵 皆用素帛

遷尸牀於堂中 未小殮之時尸在房此時乃遷出在廡 行殮事畢

喪主暨諸子括髮 加首經及腰經皆以麻

婦女加麻髻

三日 執事者奉棺入設於堂正中南首 首在南 承

以兩甃 棺內奠以七星板

薦茵褥 設棉衾垂其裔於四外 裔謂被之四角也此時尸未入

棺則被尙展開未掩合故其被之四角皆垂出在外

屆期 謂及殮之時 奉尸入棺 實以生時所落齒髮

卷衣以塞空處令充實平滿

喪主以下憑棺哭踊盡哀

迺蓋棺

加棺

施漆

至於葬而止

三品以上每月三漆

五品以

上每月再漆

七品以上每月一漆

徹殮牀

遷柩於其處

於柩之東設靈牀

施幃帳枕衾衣冠帶屨之類

設盥盆

加帨巾

在靈牀側

皆如

生時

於柩之前

設靈座

陳几筵

奉魂帛

供器

具

以絳帛

謂紅布也

爲銘旌

三品以上長九尺

五品以上長八尺

七品以上長七尺

題曰某官某公之柩

內喪則題曰某封某氏

懸以竹杠

依於靈座之右

執事者陳饌案

食品俱用素器

啟帷 行殮奠禮

內外皆就位

司祝焚香

奠酒

喪主以下哭盡哀

下帷

每奠皆然

夜

侍者詣靈牀舒枕衾

奉魂帛於牀上

夙興

侍者設頰水櫛具在靈牀側

侍者收

頰櫛具

奉魂帛出就靈座

謹按鬼神必須有所依初喪未能設神主故以魂帛棲於

諸子次於中門之外

寢苦

苦謂草也

枕塊

不脫經帶

諸婦

女子

次於中門之內

帷幔枕衾皆

用布素

哀至則哭

男女皆然

晝夜哭無時

謂不論日夜皆可哭無一定之時

大殮之次日

是第四日也

夙興

五服之人各服

其服

有服者各自具服而入哭是以殮之次早即可成服

就位

皆以服之親疏為序

當朝奠之時

喪主以下

凡有服者皆在內

哭叩盡哀

朝奠

執事者設果蔬酒饌如生時

祝焚香

斟酒

點茶

喪主以下詣案前

各以其服

爲序

皆男先女後宗親先外嫻後

再拜

哭盡

哀

復位

哭止

日中設果筵

奠酒

如朝奠儀

夕奠

均如朝奠之儀

朔日殷奠

謂較之每日之奠加多也

具盛饌

於朝奠行之

如朝奠儀

望日

如朔日殷奠之儀

遇有新物則薦新

如

朔望

朝奠之儀

侍者詣靈前設遺衣服於座

執事者陳饌筵羊

酒楮幣

一品官筵十席羊五楮二萬八千

二品官筵八席羊四楮二萬四千

三品官

筵六席羊三楮二萬

四品官筵五席羊三楮

一萬六千

五品官筵四席羊二楮一萬二千

六品

官筵三席羊二楮一萬

五服之人

咸集各以其服爲序

司祝焚香斟酒

喪

主以下詣案前

再拜

哭奠如儀

卒奠

侍者奉衣服及楮幣送燎所

焚燎

凡大功服者於是日易素服

服雖未除然惟朝夕日中之奠各服其服

以哭其餘時則易素服

行大祭禮

如初祭之儀

凡期服者於是日易素服

謹按作七者二氏之說耳雖相沿已久所在多有然此乃俗禮所以喪儀只有初祭與大祭

三月而葬

預日經營葬地及葬具

謹按送死之事既葬而後事畢但鄉俗拘泥太多一家之人議論紛紛往往不能如禮然三月即當葬乃是禮之一定不可不知

凡塋地

一品九十步

發步均自塋心數至四旁

封丈有六

尺

二品八十步

封丈有四尺

三品七

十步

封丈有二尺

四品六十步

封一丈

五品五十步

封八尺

六品四十步

封六尺

七品二十步

封六尺

園以垣

二品以上周三十五丈

守塋二戶

五品以上周三十丈

守塋一戶

六品以

下周十有二丈

守塋二人

墓門勒碑

一品碑

身高八尺五寸

廣三尺

四寸

螭首高三尺

龜趺高三尺六寸

二

品碑

身高八尺

廣三尺二寸

麒麟首高二

尺八寸

龜趺高三尺四寸

三品碑

身高

七尺五寸

廣三尺

天祿辟邪首高二尺八寸

龜趺高三尺二寸

四品碑

身高七尺

廣二尺八寸 員首高二尺六寸 方跌高三尺

五品碑 身高六尺五寸 廣二尺六寸 員

首高二尺四寸 方跌高二尺八寸 六品碑

身高六尺 廣二尺四寸 員首高二尺二寸

方跌高二尺六寸 七品碑 身高五尺

五寸 廣二尺二寸 員首高一尺 方跌高二

尺四寸 書碑曰某官某公之墓 婦人則曰

某封某氏之墓 若合葬則並書之

刻壙誌用石二 一石所書如墓碑 一石詳記姓

諱諡字

未有諡者則止書字

州邑坐居服官遷次

謂生平遷官次序

及其生卒年月日時葬處坐向所遺子女 兩石
之字皆內向以鐵合而束之

治葬具

作神主及主櫨

製柩輦 下為方牀 上編竹格為蓋 四出檐

垂流蘇

鄉俗稱流蘇為綖此

綖荒

綖者帛之總名凡綢

綾之類皆是荒蒙也謂以繪蒙於竹蓋之上

繪帷

在旁曰帷謂用繪包於竹格之四旁

均青藍色

謂繪荒繪帷均用此色

二品以上施散金

五品以上畫雲氣

六品無飾

承以杠

杠謂擡柩之木

五品以上皆髹朱

謂以朱色漆其

紅

六品飾以紅堊
謂以紅色染其紅

障柅畫翬

五品以上四翬

六品七品皆二翬

引布二

功布一

靈車一

儀從各從其品

明器

或埴土爲之或以竹與木及紙爲之

各從其俗

擇日

喪主率子弟適兆所

兆謂穴也

執事者設案於兆左陳酒饌

親賓一人吉服

至 盥

詣案前立

執事者二人奉香執壺瓊

立左右 告者跪 上香 再拜 酌酒 祝

奉祝文跪於左讀之 維某年月日某官某敢告

於司土之神今爲某官某營建宅兆神其保佑俾

無後艱謹以清酌庶羞祇薦於神尙饗

讀畢退

告者興 復再拜 退 遂開壙 使子弟

幹事者一人畱視之 喪主以下還家

豫以葬期告於親戚僚友

發引前一日 厥明 五服之人各服其服入就

位哭

行朝奠禮訖 祝跪 告於殯前 今以吉辰遷

柩敢告 興 喪主以下哭盡哀 再拜

役人徹帟 謂徹去布帳 遷柩 鄉俗謂之移柩 障以翬

侍者移靈牀於堂正中 其靈座几筵仍照常不移

祝奉魂帛前柩 謂在柩前行 喪主以下哭從 及外

堂布席置柩 祝奉魂帛 跪 告曰請朝祖

祝興

執事者布席於家廟 祝奉魂帛詣廟 詣家廟也

喪主以下哭從 及廟門止哭 入序立階下

祝奉魂帛安置於席北正中 再拜 祝興 奉

魂帛還 喪主以下從 出廟門 喪主以

下哭從 祝奉魂帛還靈座

及夕 祖奠 設饌如朝奠 喪主以下舉哀

祝盥 詣靈座前 喪主以下止哀

祝焚香 奠酒 告曰 永遷之禮靈辰不留今

奉靈車式遵祖道 祝興 喪主以下再拜 哭

盡哀

厥明 五服之人會葬者畢至

執事者陳明器 吉凶儀從 俱於大門外

一品鞍馬六 二品鞍馬五 三品鞍馬四

四品鞍馬三 五品以下鞍馬二

納靈車於門內之右

役人

二品以上六十四人

五品以上四十

八人

七品以上三十二人

舉輦人設於堂

上

喪主以下曲踊

迺載

周維以組

謂四周俱以大纜維繫之

喪主輟哭視載

令平正堅實

執事者設遺奠於庭

如祖奠之儀

祝跪

告曰

靈

輜既駕往卽幽宅載陳遺禮永訣終天

祝興

徹

役人以杠輦昇柩

祝奉魂帛就靈車

奉主櫬

載神主者設於魂帛後

柩出大門施幃蓋

屬引謂

大繩連屬
於舉也

逆發 銘旌前導 次儀從 次明器 次靈車

次功布 次舉

外親分執引布在前 喪主以下經杖衰服

男在柩旁步從 女在柩後輿從 哭不絕聲

出城門或里門若非居於城中者則但出里門而已 親賓不至墓

者於前途立 乘者皆下 役人權停舉

親賓向柩再拜 喪主哭謝 賓退 柩行

如初

若墓在遠 主人以下皆乘素車而從蓋出城門後始

乘素車 每宿設靈座置奠如在殯之儀 次日啟柩謂次

日早起奉柩前進 亦如之 道中哀至則哭 望塋而下

車

執事者豫張靈幄於墓道之右 其中置几一

設婦人行幃於墓道之右

設藉柩席薦於壙外 鋪陳壙中之事皆執事者為之

靈車至幄外止 祝奉魂帛置於几上 奉主

櫝置於魂帛側 設奠

柩車至壙前 役人脫載 去幃蓋方牀 下於

藉席 祝取銘旌去杠縱直也謂直鋪其銘旌 加於柩上

喪主以下憑棺哭踊盡哀

親賓送者再拜辭歸 喪主及諸子稽顙謝

賓退

屆期謂及葬之時 內外五服之親以次再拜辭訣

丈夫哭於羨道東 婦人哭於羨道西 皆

辭踊無算

遂窆窆謂下棺也 執事者整銘旌銘旌鋪在棺上同葬鄉俗多取銘旌

焚之不以入土中 藏誌石 復土謂以土掩其棺 喪主輟

哭臨視 喪主以下哭盡哀 退就靈幄序立

祀土神於墓左如開兆致祭之儀惟祝辭營建宅兆改爲營建宅兆

執事者設題主案於靈座東南向 筆墨皆具 對

案設盥二一祝盥 一題主者盥 喪主以下序哭於靈

座側

祝盥 啟櫛 出木版卧置案上 題主者盥

就位 書某封某諡某官顯考某公母則稱顯妣某氏 神

位

祝奉木主置靈案上 焚香 奠酒 喪主以下

再拜 祝跪讀告辭曰 哀子某謹告於先

考某官封諡府君母則稱先妣某封某氏 形歸窀穸神返堂

室神主既成伏惟精靈舍舊從新是憑是依

祝興以告辭復置於案 喪主以下再拜 哭

盡哀 祝焚告辭

祝奉魂帛埋於墓側 奉主納槨 置於靈車而返

喪主以下哭從 在途不驅

靈車至家 入大門 及庭 祝奉木主并槨

設於几上 南向 喪主及諸子在寢東 西向 親

屬以服輕為序在諸子後 婦人哭於房中

執事者具牲饌 三品以上羊一豕一俎二 實牲體

鉶二 實羹 敦二 實飯 籩六 實時果餅餌魚 豆六 實炙蔬

屬

七品以上特豕俎一鉶二敦二籩二豆二

八品以下豚肩

不特殺

俎一鉶二敦二簋二豆

二

代以時用
槃碗者聽

祝啟櫝陳主於靈座

主人以下就位哭 哭

止

贊黍神

主人盥洗

詣香案前

跪

執事者二人詣主人

左跪

左進香主人三上

香 右進爵主人酌酒於地以爵奠於案 退

復拜位及諸子親屬行一跪三叩禮

贊初獻

主婦率諸婦出於房薦匕箸醢醬於几前案

北

跪 一叩

興

退入於房

庖人解牲
體實於俎

執事者奉以
升薦於供案

執爵者奉爵主人獻爵於

正中 跪 叩興 復拜位立 贊讀祝

主人以下皆跪

祝

誦祝案之左

跪讀文

維某年

月日朔孤子某敢告於先考某官

母則稱先妣某封某氏

日

月不居奄及初虞夙興夜處哀慕無時謹以潔牲

庶羞案盛醴齊哀薦虞事尙饗

祝興以祝文

復於案

主人以下哭

一叩興

贊亞獻

主婦率諸婦實和羹於銅實飯於敦以及腊肉

炙載出薦於案

跪一叩興

退入於房

主

人獻爵於左

跪叩興

復位

贊終獻

主婦率諸婦出

薦餅餌果蔬

跪一叩興

主人獻爵於右 跪叩興 復位 贊送神

主人以下一跪三叩 興哭 祝焚祝文

主人奉神主納於櫝 徹 哭止

至夕 奉神主於靈牀

至朝 奉神主於靈座

凡朝夕致奠 朔望殷奠 皆如初儀

遇柔日 乙丁己辛 癸為柔日 再虞 遇剛日 甲丙戊庚 壬為剛日 皆

如初虞之儀 其祝文奄及初虞改為 奄及再虞 奄及三虞

百日則卒哭 如虞祭之儀 其祝文奄及其虞改為 為奄及卒哭其哀薦

虞事改為 哀薦成事

卒哭之明日

夙興

執事者詣廟

謂家室

具饌陳

設如常祭之儀

設亡者案於祖考神案之東南

向西

祝啟室

啟家廟之室

奉四世神主以次序設於

几上如時薦之位

主人率衆先哭於几筵前

即家中靈座之前

奉亡者之

主詣家廟

諸子以下哭從

及廟門止哭

主人陳亡者之主於東南案上

主人以下

序立階下

焚香

進饌

祝讀告辭

維某年月日孝曾孫某謹以潔牲庶

羞粢盛醴齊適於顯曾祖考某官府君躋祔孫某

官府君某喪主之曾祖則是亡者之祖也故亡者之主以孫祔祖 尙饗 又

讀祝於亡者之主位前 孝子某謹以潔牲庶

羞粢盛醴齊哀薦祔事於顯考某官府君母則稱顯妣某

封某氏 適於顯曾祖考某官府君尙饗 其行禮儀

節與常祭同 祝焚告文 祝奉神主奉四世之

神復於室復於家廟之室 徹

主人奉亡者之主 諸子以下從 出廟門哭

隨至几筵前納神主於櫝 哭止 衆退

護喪者代喪主爲書 使人徧謝親賓弔賻者

期而小祥於忌日行事 質明 祝啟櫝出主 主

人及諸子及期親各就外位 哭盡哀 焚香

進饌酒

讀祝

祝辭與卒哭同惟改奄及卒哭日
奄及小祥 改哀薦成事日哀薦

常事 行禮皆如卒哭之儀

再期而大祥

於忌日
行事

先一日

執事者具果酒

如常儀

具陳於家
廟之中

設案於東序西序之前各一

主人盥

詣家廟

啟櫝陳諸神主

陳四世
之神主

焚

香

進果酒

皆如常告之儀

祝讀告辭

主人以下皆俯伏

讀

維某年月日孝孫某謹

告於某官府君某封某氏

四代祖考祖
妣皆備書

茲以先考

某府君大祥已屆禮當遷主入廟某官某府君某

封某氏神主

此謂亡者之高祖考妣也

之親盡當祔某官某府君

某封某氏以下神主

此謂亡者之曾祖祖三代考妣也

宜改題世

次遞遷不勝感愴謹以果酒用伸虔告尙饗 焚

祝文

主人以下興

再拜

主人奉各神主

此謂宜改題之神主

卧置東案上

子弟

善書者一人改題高曾祖神主

亡者之曾祖即主人之高祖亡者之

祖即主人之曾祖亡者之祖即主人之祖皆須改題也

以紙包裹應祔之

神主

此謂亡者之高祖考妣也

陳於西序案上

奉改題神主遞遷於室

虛一室以俟

俟亡者之神主也

闔室

闔家廟之室

衆皆退

厥明大祥之早也

主人與諸子及諸婦女致祭於几

筵之前陳設行禮皆如小祥之儀惟祝辭改奄及小祥為奄及大

祥改哀舊常事為哀舊祥事

主人與諸子奉亡者之主詣家廟設於先一所虛

以俟之室再拜 又奉祧主藏於夾室 闔門

出

迺徹靈牀 徹靈座 徹几筵 罷朝夕之奠 斷

杖棄之於隱處鄉俗多焚之

二十七月既周之日 夙興 執事者設几案於

家廟寢堂之中

主人率諸子入廟 詣考位前啟室 焚香 再

拜跪告曰孝子某將祇薦禋事敢請神主出就正
寢 俯伏 興 奉考主至寢堂陳於案上

執事者陳饌案於前 主人及諸子於東壁

下就位舉哀 婦人哭於房中 焚香 進果

饌酒醴皆如常儀 祝讀告辭 主人以下

俯伏 讀 維某年月日孝子某謹告於顯考某

官府君神主禋制有期迫遠無及謹以清酌庶羞

祇薦禋事尙饗 主人以下興 再拜 祝

焚告文 奉神主復於室 闔門 皆退

主人及諸子皆素服以終禫之月歆然後服常服

品官在任遭父母喪者

品官卒於位其儀亦同

初喪 成服

朝夕莫皆如在家之儀

擇日

扶輿還家

卒於京者禮部給沿途照驗兵部給郵符夫馬在直省者由任所

之督撫給咨牌均行本籍得入城治喪

備行舉

儀從各視其品

告啟期

啟行之期也

於親戚僚友

啟行前一日

行啟奠禮

喪主以下就位

哭

祝詣靈前

跪告曰

今擇某日奉靈柩

還故鄉敬告

俯伏興

喪主以下稽顙哭

再拜

興

復位

盡哀

止

厥明

謂啟行之早

遷奠

告遷奠於柩前

亦如告啟

奠之儀

徹

祀納魂帛於櫛

役人舉輦入

遷柩舉輦

主人以下輟哭視載

出大門加幃蓋

發引

儀從在前

銘旌魂帛從之

喪主以下

杖哭隨柩

及郊

親戚僚友祖者向柩設祖奠

役人停

輦

賓向柩再拜

主人稽顙哭謝

賓退

乃斂儀從

遂行

主人乘素車 途次止宿 奉魂帛銘旌於靈柩前

凡柩暫停皆同

水行則設奠 陸行則上食 每朝啟

行亦如之

至家前一日 遣僕歸 戒家人豫於十里外布幕

具奠以待

至日 五服之人各服其服以迎

柩至 暫駐幕內 設奠 祝焚香 斟酒

跪告曰 靈輶遠歸將至家親屬來迎敢告 俯

伏興

衆序哭

各以親疎爲次序就位而哭也

再拜 興

柩行

衆咸徒步哭從

至家 安靈牀於殯所

男各就位 兼五服之人言

哭

祝焚香 斟酒 跪告曰 靈輒遠歸至家

敢告 俯伏興 衆皆哭 再拜 興

朝奠 夕奠 一切皆如在家之儀

官員在外聞三年喪者 訃至則哭 對使者問故

又哭盡哀 易服如在家者初喪之儀

訃於有司

遂奔喪 戴星而行 見星而止

途中哀至則哭 凡哭避邑與市

將至家 望其境哭 望其城哭 望其鄉哭

至家 哭而入門 升自西階 憑棺西向

若婦女奔喪者

則憑棺東面 哭踊無算

少頃 尊卑相向哭 細問病終之故 復哭

迺被髮徒跣

婦女奔喪者不徒跣

翼日

謂至家之次日

成服 括髮 婦人則髻 皆加

麻經

喪期 以聞訃之日爲始 其餘皆如在家居喪之

儀

官員在職聞期服以下之訃 非本生父母則不奔

喪 易素服 爲位而哭 持其服於私家 入

公門及治事仍用常服

期喪者一年不與朝

祭之事 凡服滿之日皆於私家爲位哭而除之

凡聞期以下喪 聞訃則易服 爲位而哭 若奔

喪者則至家而成服

品官家儀考證

番禺林伯桐撰

男世懋校刊

喪儀考證

擇日受弔亦有說考

今喪家多擇日而受弔榜於門曰某日領帖此亦有

所昉賀

備

曰古之弔者皆因朝夕哭而入弔

喪服要

記

禮記曰喪俟事不殖弔

少儀

是也司馬文正公曰

凡弔人者名紙既通喪家於靈座前炷香澆茶斟酒
設席褥家人皆哭護喪出延賓賓入至靈前哭盡哀

乃焚香再拜興賓東向弔主人西向稽顙再拜賓答
拜出主人不送護喪送賓書儀古者賓弔必有辭宋
政和五禮新儀猶有如何不淑云云今受弔日賓客
繁雜或不能致辭矣

弔必哀而不必有淚考

今弔客多有不哭者大抵因淚不可強併不作哭聲
然非禮意也考司馬文正公曰古禮弔人無不哭者
世俗皆以無涕爲僞哭耻之故弔酌多不哭夫人之
性自有少涕淚不可必責於人按顏氏家訓曰人自
有少涕淚者腸雖欲
絕目猶矐然云云蓋人各有能有不能
古今畧同本無奇特世俗少見多怪耳又考俞文蔚

云俗以無淚爲僞哭而恥之不知哭者所以盡弔喪

之禮助主人之哀

此謂哭聲必不可若知生而不知

死可以不哭若親若故安可不哭

吹劍錄外集

夫淚

不必強而哀情則出於自然明呂新吾

坤

曰凡臨喪

無不發聲總曰嗚呼多極於十七舉少亦不減五舉

傷則涕泗交頤不必皆涕泗卽哀容悼意亦無不可

按司馬溫公曰凡弔人者必有感容是也

今人嫌於不傷

謂無涕泗也

遂不舉

哀殊非弔喪之禮

呂新吾集

此皆通人之論

戚友竟不當祭奠考

世俗弔喪之物踵事增華又於未葬前致祭誇多爭

奇以見親厚然於喪禮則失之甚矣考毛大可

奇齡

曰祭奠並非弔客所宜有飯奠行祭皆喪主之事而

門外之人持酒醴以謬亂其間是瀆喪也

喪禮吾說

篇

又考朱董祥曰古人奠不爲文未葬曰奠世俗用

文以奠既有文則是祭而非奠斷不可行

讀禮紀畧

又考毛大可曰夫未虞未作主是死者之魂尙無所

依而客可以行禮祭未之前聞

喪禮吾說篇

然則竭

力弔奠以爲美觀則不敢知要皆識者之所不許也

濫祭不若薄賻考

貧者不以貨財爲禮漢初陳平家貧邑中有喪平以

先往後罷爲助崑山顧先生謂吾黨所當勉者也

詩

見日知錄

但今鄉俗不論貧富無不加勉於弔莫之

物者其有力者不必計若力薄者可謂作無益害有

益矣考俞文蔚云今人送紙錢紙繪諸偽物於生死

俱無益不若復古賻禭之禮多少則隨力隨人情厚

薄尺帛斗粟皆可

吹劍錄外集

俞氏此論本非得已

然自古有之劉子政曰輿馬曰賄貨財曰賻賄賻所

以佐生也

說苑

後漢王丹有喪者則賻給親自營護

後漢書

又南齊張融人有母喪居貧融往弔之悉脫

衣以爲賻

南齊書張融傳

蓋不家於喪固君子所貴

然與其勞力於非禮之禮轉不若依古賄賂之儀所謂貨惡其棄於地此俞氏之意也

喪家不當用布帛答禮獻客考

世俗侈陳弔奠之物而喪家則欲多用答物互講酬酢之禮意必潛移哀戚之至情而浮文浮費未暇論矣考毛大可奇齡曰若喪主有答物則大謬矣况今

之布卽古功緦之麻今之綢絹卽古小祥大祥之緇練此有服之家所須用者而以之獻客可乎喪禮吾

說篇

又考唐

順之

云在禮未聞有主人散麻散緇散

絹於族戚朋友之文也今一切反是不知始何時古

所謂野於禮者其此之謂乎荆川集是則凡以布帛
獻客及答贈不特失禮且於事理多所未安此所當
討論也

厚奠恐損其福考

鄉俗祭奠喜用多品以爲加厚死者增榮生者也然
宰割旣多恐於存歿俱當損福考唐應德順之曰主

人饋奠而族戚朋友助之執事則有之矣在禮未聞
有族戚朋友供奠物之文也今爲之饋奠是代主人
之所自盡也且近世喪葬日奢日靡富貴之家一日
至享十家之奠今則有一日而百家奠者自啟殯至葬數日間大

牲小牲剝割狼藉且百千計鬼神情狀與人情不相
遠鬼而無餒所食幾何今若此不惟生者靡費抑亦
使死者不忍且夫放生以資冥福則儒者所不信殺
生以重冥咎則理未必無是以痛謝此業債

與宜興

諸友書

世之以厚奠爲親情者亦嘗一念及此乎

捐紼行弔不易冠考

白虎通義有云不以吉服臨人凶示助哀也然捐紼
弔人則冠不必易考梁蒞林撫部曰從前弔喪者冠
皆摘纓近日惟夏月用羽纓笠以代緯帽冬月則不
易冠此儀良是蓋喪惟有服者摘纓捐紼無故摘纓

本非所宜

退菴隨筆

又考朱子曰凡弔皆素服各隨

其所當服之衣

家禮

又宋王公

肅

之喪朱紫盈門

惟徐公

鉉

獨攜一麻袍角帶於客位內更易後方入

弔

丁謂談錄

又徐健菴云明世士大夫行弔皆用葛

衣葛帶

讀禮通考

皆言易衣而不及冠可與梁撫部

之說相發也

待弔客半餽半菜考

喪家不當燕客而不能不待客但豐儉俱未有據依
考邱文莊公曰遠來弔者當用饌貧者畧具素菜富
者半餽半菜蓋吉凶禮當分別半餽者爲待客之常

半菜者見居喪之變

又曰不飲酒又曰客來恤喪而不求飽也

家禮易

知此則平情之論不可不知又考駁

問禮

曰既不燕

客矣亦有酒肉何也在禮孝子老病不止酒肉賓客之冒雨雪而遠來者安知其無所病而拘以一說恐非禮意

不必出外謝孝考

鄉俗有謝孝之舉其意亦甚善但舍几筵而僕僕於道已有未安至閭巷間又有呼召親黨袒免成羣甚至用素燈前導竟日奔走者甚非禮意考徐健菴曰古禮拜君命及衆賓所重者君賜君有賜不可以不

拜謝故因拜賓而卽拜衆賓後世大臣之沒及大臣
之父母沒例得蒙君之惠初未嘗有因服往拜之禮
獨奈何於遠客之弔而僕僕拜謝之哉守禮之孝子
方當處苦出之中以奉朝夕之饋奠乃遠離喪次而
惡車直經奔走於道塗此何禮也孫氏家乘云稽顙
禮何必他日又踵門乎况吾誠能守禮吾卽不往謝人亦安得
而責之讀禮通考此論自不可少

弔奠當力辭考

今人亦有辭弔奠然習俗移人以辭奠不過虛文且
少見多怪轉以不奠近於惜費至於害禮教而勞喪

家皆不計及矣考明顧

起元曰始死卽有奠凡

奠皆主人自爲之其在姻友有賻襚已耳賻以錢帛
襚以衣服間有行焉乃代爲喪家致祭屠割羊豕崇
飾果蓏柜敎餽餽寓錢楮幣之類闌塞於庭客乃爲
酌酒致敬夫酌酒乃主人之事賓客乃代而行之乎
謂宜一切止之惟有服者各人自製而服以示哀戚
變常之意其在賓客第行賻襚以助之或貧者則出
力以佐其事祭奠悉輟而不舉庶使喪主人不苦於
紛紛而賓客亦不爲無益之糜費

客座贅語

又考近

時左仲甫撫部

輔

曰秦漢以來忠清亮直之士其家

人有不受弔賻者且禮以義起禮無不答義也主人
懸像設座於中堂使賓親脫曲拜跪於階下而死者
當如何皇然蹙然僕僕亟拜盡弔客而後止是勞父
母以生又勞父母以死且勞之暴且酷也余不精於
禮而禮之義可思余死之日上遺表謝

恩後斂畢卽於訃中標明恪遵遺命不敢治喪扃閉
帷堂賓親辱臨諸孤於帷堂外稽顙受弔斷不可於
靈前勞拜跪也 念宛齋文集 是則名公鉅卿皆欲力
辭弔奠不必更揚其波矣

童幼亦當申哀考

哀情不分長幼雖少年無知當示之以可哀教之禮以申其哀考徐健菴曰案喪大記言子幼則以衰抱之人爲之拜則知童子能勝衣者未有不服衰者矣玉藻言童子無總服則知小功以至斬衰童子皆有服矣其異於成人者止不踊不杖不菲不廬而其他居喪之節固無不同也

讀禮通考

又考晉劉智曰嬰

兒於其父母之喪則以衰抱之其餘親八歲則制服矣七歲曰悼過此則必致之於禮案小功章昆弟之殤服昆弟之下殤是以下殤之年則行服也

按八歲卽是下

殤長者皆爲下殤持服則八歲童子豈得不爲長者持服乎

通典

釋疑

殯服亦可從厚考

世俗於童幼之喪太畧未免寡恩矣禮凡年十九至十六爲長殯十五至十二爲中殯十一至八歲爲下殯凡爲殯服以次降一等七歲以下爲無服之殯

其服

以日生未三月則不哭也

朱子家禮小注

然男子十

六成丁則有成人之稱而女子十五亦可嫁

禮男子已娶女

子而許嫁皆不爲殯

而僅用殯服似有未盡考晉袁淮作喪服

傳云十五至十三爲長殯十二至十爲中殯九至七

爲下殯六歲以下始無服毛大可

奇齡

云當從之

家

禮辨定

正命而死亦是福考

人有責任未了則雖盡其道而死亦有遺恨宜也若
人子之事已畢又並無官守則死者人之常理長短
皆當順其自然曾子所謂吾得正而斃焉斯已矣禮
記檀弓

逝者可不必留戀考陳龍正曰考終命死也
而以爲福箕子爲萬世人破惑消貪於斯爲至夫考
終命豈易言哉畏厭溺非考也清貞大節可以爲德
不可以爲福惟氣漸竭而無所痛苦神長清而無所
擾亂恬然以逝是乃足以終平生之四福

學言詳記

人能知此則可以生亦可以死矣

喪禮之失最多最甚考

惟送死可以當大事而流俗之失不特害禮實能奪
哀然明知而故犯者俗以不狂爲狂只得沿謬踵謬
而已考

國朝徐尙書健菴

乾學

曰古者喪禮不舉樂誠謂哀

樂不同時今則盛奏軍樂

謂鼓吹本是軍中之樂

震盪魂魄其

失一矣古者喪哭泣擗踊之外無他焉今多用浮屠

謬稱資福於冥路實取喧雜爲飾觀其失二矣古者

三月葬而卒哭今以七七百日爲斷始於僧家

謂世俗於

其後卽卒哭雖未葬者亦然

其失三矣古者葬以禮制今惑於陰

陽拘忌每失之緩甚至未葬而除服其失四矣聊舉
大端用砭愚俗

讀禮通考

出殯送喪多具文考

世俗出殯喜爲陳設既不能如禮又殊無取義至於
送者紛紛多非隨柩不過到寄莊一集耳或猶以多
爲貴考宋陸放翁曰近世出葬或作香亭魂亭寓人
寓馬之類一切當屏去廣召鄉鄰又無益死者皆不
須爲也

放翁家訓

然則今之勉強從事實古人指以

爲戒者按儀禮有曰請啟期告於賓蓋以啟殯之日
告於親友使來會葬也又考朱子曰柩行主人以下

哭步從尊長次之無服之親又次之賓客又次之家禮小法是則送喪未有不隨柩者未可有名無實也

喪禮當求依據考

喪家之廢禮者無論其或拘泥執拗本無典據而勉強矯俗亦未濟事考唐李觀云如使日月歲時

皆有禮以行之痛情有所泄必不暇曰七七齋曰百日齋曰三年齋也故曰儒失其守教化墜于地養生送死舉無其柄天下之人若饑渴之於飲食苟得而已家禮辨定蓋既無典禮可據則一家之哀戚無所

發舒而流俗非禮之禮乘間而入非可以口舌爭也

喪主哀而近人情考

喪以哀爲本但無傷於風教則儀文有失無妨也考
朱子時有問喪服制度者朱子曰此等處但熟考注
疏卽自見之其曲折難以書尺論也然喪與其易也
寧戚此等處未曉亦未害

語類

又近時汪容甫

中

曰

衰麻哭泣喪之文也不飲酒不食肉不御內喪之實
也古之居喪者惟御內爲不可至於哭泣飲食皆可
通也則夫衰麻之有時而可釋焉宜矣

述學

又考禮

記曰不能食粥羹之以菜可也注云謂性不能者可
食飯菜羹

喪大記

禮又曰有疾則飲酒食肉疾止復

初曲禮

蓋禮文自有可通變者惟喪致乎哀而止非

強人以難行也

又考李中孚云禮三年之喪不肉不飲酒不食肉不羣居不旅行不露

齒恆處苦次今名爲居喪不過衣白三年而已矣家禮辨定此則可勉者當各勉之喪思哀者也

喪不向柩拜考

喪家朝夕設奠以及弔客之來俱不拜柩蓋亦有說

考朱子書有問孝子於尸柩之前都不拜如何曰想

是父母在生時子欲拜亦須俟父母起而衣服今未

忍以神事之故亦不拜

語類

然則拜自有位凡向尸

位而拜者非也

非朝夕奠不褻帷解

殯之外必加以帷古謂之帷堂若非朝夕奠皆不啟

殯宮之帷禮記

喪服小記

曰無事不辟廟門

注云廟

神尚幽

是也禮記又曰朝夕哭不帷

孔疏云孝子心欲見殯故當朝

夕人廟門之時除去殯宮之帷

雜記

故又曰帷殯

非古也

檀弓

正謂朝夕奠時必褻帷也至若哀至則

哭無定時者則皆於廬次之中

不必以肉餽有喪者考

在喪既不當以酒肉饋人人亦不必饋以酒肉乃鄉

俗有以此爲親厚者甚非考呂成公

祖謙與項平父

書

云臘肉已領竊意服制中餽人不當以肉自此已

之爲佳 東萊集 夫饒人尙不可豈可受人饒乎考郭

良翰云今人乃以肉饒有服者既不以禮處人又不

愛人以德 家禮辨定 此皆篤論又况力稍困而必欲

勉於此者是亦可以止矣

喪具皆當講求考

儀禮曰布巾環幅注云環幅廣袤等也 謂用四方布

面也方二尺 士喪禮 今粵俗所謂面巾卽此

儀禮曰冒緇質經殺注云冒韜尸者制如直囊上曰

質下曰殺先以殺韜足而上後以質韜首而下上元

下纏象天地 士喪禮 按注又云質正也蓋冒在上身者必廣大而用正幅故曰

質冒在下者漸減小故曰殺今粵俗用絲棉以裹尸似古禮所謂

冒者

禮記曰大斂布紵皇甫侃曰二衾注云二衾者或覆

之或薦之孔疏云小斂一衾至大斂加一衾爲二衾又曰紵五幅無統注

云統若今被識生時禪被有識粵人謂爲被頭死者去之異

於生也喪大記今鄉俗歛用禪被亦無被頭似本此

儀禮曰綴足用燕几注云綴猶拘也爲將履恐其辟

戾也恐死者之足或偏辟乖戾則難於著屨而人棺故以几拘限其足此古禮之可怪者士

喪禮禮記曰毀竈以綴足疏云周人綴足用燕几此論殷周禮異毀竈者一則

死無復飲食二則恐死人冷僵足辟戾故用毀竈之蜃連綴其足令直可著屨檀弓

今鄉俗必用土甗

粵人謂之泥甗

左右各一綴於死者之

足至卒哭後必拆舊竈改立新竈此其始或皆本

植弓而傳者稍譌又小變其說遂相沿成俗也然

綴足之土甗既非用毀竈之物而事後毀竈又與

綴足無干但使舊竈完好則卒哭後竟不換竈未

嘗不可

晉書曰案蔡謨說以二瓦器盛始死之祭繫於木裏

以葦席名爲重今之凶門是其象也范堅曰禮有懸

重形似凶門後又出之門外以表喪俗遂行之

禮志

今粵俗喪家以紙爲毯其形圓而長懸之門外名曰喪毯又考宋書孔琳之言

凶門柏裝不出禮典起自末代積習生常爰自天子
達於庶人損民財力而義無所取謂宜謹遵先典一
罷凶門之式孔琳之傳凡繁文縟節皆畧有所本而
漸以成俗朱子有言而今禮文覺繁多必是裁減了
方始行得謂此類也

儀禮既夕禮注曰功布灰治之布

賈疏大功之布麤者也

居柩

車之前若道有低昂傾虧則以布爲抑揚左右之節
易大傳曰後世聖人易之以棺槨蓋自黃帝始爲之
夏殷又加厚焉

讀禮通考

錢竹汀先生曰南齊書都水辦數十具棺材

武十七

王列傳 鑄祥列傳云以五百錢為買棺材 恆言

材之名當始於此矣

朱子曰古者虞主用桑將練而後易之以栗今於葬

便用栗主以從簡便 家禮小注

朱 董詳 曰或問神主用栗禮乎曰栗堅耐久火

不易然用之而宜 又考片新吾曰偶無栗凡貴重之木皆可用 四禮疑

馮善曰今人於神主陷中書生於何年月日卒於何

年月日享年幾歲葬某處亦自詳備宜從之也 家禮

集說

禮曰苴杖竹也 苴者不削杖桐也 削者削去其皮而稍潤澤 賈

疏云爲父杖竹者父者子之天竹圓亦象天爲母杖
桐者桐之言同心同之於父禮又曰杖各齊其心之人

長短不同故

皆下本

以杖之本根居下別於吉杖也吉杖則下其末

喪服

傳

男子免而婦人髻者男子有冠去冠以麻繞之則謂
之免婦人有笄去笄以麻繞之則謂之髻若男子成
服則有厭冠婦人成服則有惡笄

黃氏幹曰成服用箭笄以箭篠爲笄

也箭篠竹也婦人箭笄終喪

用麻布濶一寸韜束髻上而垂其餘俗名孝圍古禮
所謂布總也

左傳宋元公云惟是楸枌所以藉幹者毛大可曰楸

枌卽死者之牀與枕幹卽死者之體也先安靈牀於棺底次

安靈枕然後舉尸衾而徐下之又曰靈牀卽苓今所

稱七星板者喪禮吾說篇

禮記曰既殯居倚廬喪大記毛大可曰倚廬于中門

之內中門者殯宮之門其廬在門東牆下卽所謂廬

於喪次孟子五月居廬趙注在中門內此確可據者

同上

銘旌謂書銘銘者名也於旌也毛大可曰漢後則書官書

字而冠國號於其上今從之旌有旂有旛今士大夫

之銘旌並無於旒

朱子曰神主牌隋所編禮書有荀勗禮乃是濶四寸

厚五分

語類

衛次仲云右主八寸左主八寸右主謂

父左主謂母

毛大可曰天子尺二寸諸侯

一尺殺二而八寸大夫禮也

喪禮吾說篇

禮記孔疏曰死者亂髮及手足之爪亦有物盛以埋

之喪大記

又唐開元禮云鬚髮爪盛以小囊大斂納

於棺

王

廷相

曰襲者爲死者著上衣也

家禮疑問

華氏曰枕用員頂布袋以細末香裝實在內其外以

細布裹之如枕衣以藉首切勿用灰枕久埋則灰濕而瀉漬於首矣

慮得集

華氏曰古者小斂大斂之衾各有制度今只用其一如被樣者乃從省且便耳約濶六尺長丈三四尺須是寬製則可包裹也

受業馮
詢覆校

品官家儀考

番禺林伯桐撰

品官祭儀

男世懋校刊

品官

於居室之東立家廟

一品至三品官

家廟五間

中三間為堂

左右

各一間隔以牆

中三間有柱則不必隔以牆

北為夾室

南為房

謂左右兩間每間俱分後半為夾室前半為房

堂南檐三

門

堂是合三間為一者故用三門

房南檐各一門

階五

級

鄉俗謂之天井

東西廡各三間

鄉俗謂之兩廊

東

廡藏遺衣物

先世所遺之衣與物

西廡藏祭器

庭

繚以垣

自堂以北三面皆有牆惟自庭以至外門自當繚繞以垣牆也

南爲

中門

又南爲外門

左各設側門之橫門

設此以便於執事人之出人及各雜物之轉移也

四品至七品官

家廟三間

中一間爲堂

左各一間北爲夾室南爲房

堂南檐三門

房南檐各一門

階三級

東廡各一間

庭繚以垣

南爲中門

又南爲外門

左各設側門

八品九品官

家廟三間

中一間廣爲堂

左各一間狹北爲夾室南爲房

堂南檐一

門

階一級

庭之

東

不設廡

以簋分

藏遺衣物祭器

謂以一簋藏先世所遺衣及物以一簋專藏祭器

陳於東

房

庭繚以垣

南為中門

又南為外

門

堂後楣北

堂中近後處在楣之北

皆設四室奉高會祖禰四

世

每世居一室

皆昭左穆右

謂高在中左室則祖在中左室會在中右室則

謂在中右之右室

妣皆以適配

皆南向

高祖以上親盡

謂高祖之父無服

則祧

由昭祧者藏

主於東夾室由穆祧者藏主於西夾室

遷室

祖廟均依昭穆之次

在籍進士舉人視七品 恩拔歲副貢生視

八品

三品以上時祭徧舉

歲以春夏秋冬仲月擇吉致祭

四品至七品春秋二舉 八品九品春一舉

戒子弟 贊禮一人 讀祝一人 執爵每

案二人 分薦耐位 堂中東序設男耐位西序設女耐位 東西各

一人

凡在廟所出子孫年及冠以上者 謂年十六以上者 皆

會行禮

先祭三日

主人及在事者咸致齋

前一日

主人率子弟盛服入廟

視潔除拂拭

執事者於各室前設几几前供案

謂廟中四室之前設一几每几

之前供一案

堂南

在堂中近南

設總香案一鑪檠皆具

設祝案於香案之西

設尊爵案於東序

設盥槃於東階上

東耐位各統設一案

不論耐位多少男耐在東統設一案女耐在西統設一案

主人率子弟視滌祭器

三品以上

每案

謂每一室前之案

俎二

俎以實牲體

鉶二

鉶以實羹

敦二

敦以實飯

籩六

籩以實時果餅餌魚

腊獸腊之屬

豆六豆以實炙截時蔬之屬

七品以上

每案

俎一

鉶二

敦

二

邊四

豆四

八品以下

每案

俎一

鉶二

敦

二

邊二

豆二

代以時用槃碗者聽

主人率子弟視割牲

一品至三品官

羊一

豕一

是以用俎二此謂少牢

四品至七品官

特豕

是以用俎一此謂特牲

八品以下官

豚肩

不特殺亦要用俎一

屬日

五鼓

主人朝服

與祭者執事者

皆盛服

入廟

主人族於東階下

族姓族於庭之

東

以穆世次為序

執事者陳鑪鐙於供案南

在總香案之上近南

陳尊爵

代以時用
壺戔者聽

於東序案

陳祭文於祝案

實水於盥槃

加盥
巾

主婦率諸婦盛服入廟

詣爨所視烹飪

羹定

以羹熟
為節

皆入於東房

廟內室
左之房

治邊豆之

實

陳鉶與敦

陳匕箸醢醬以俎

按祭祀之禮必夫婦親之故男女皆入廟然世家大族亦罕聞有行此者蓋族姓親疏咸在則

婦女出入不便但其儀如此禮意所存固當考也

質明

子弟之長者

盥

詣各室前

跪

一叩

興

啟室

奉主以次設

於几

奉四世之神主以次序分設於各室前之几上

分薦者分設

東附位西

贊禮者立堂東檐下

西面

諸執事者分立

東序西

端相向

分立則東西相對面矣

贊就位

主人升自東階

盥

詣中檐拜

位立

族姓

行尊者立於

東階上

謂近北

行卑者立於

東階下

謂近南

皆重行

謂人多則非三兩行

可了其行數 北面

贊叅神

主人入於堂之左門

詣香案前

跪

執事者一奉香槃一挹尊酌酒詣主人

左右

跪

左進香主人三上香

右進爵

主

人酌酒於地

此酒所以降神故盡酌於地

以爵奠於案

興

退出於堂之右門

復拜位

主人及族

姓行一跪三叩禮

贊初獻

主婦率諸婦出於房

薦七箸醢醬

於几前案北

謂分薦於四室各几之前各案之北

跪

一叩

興

徧及祔位

謂分薦於東西兩祔位

退

皆

入於房

庖人解牲體實於俎

執事者奉以升各薦於

供案

謂四室之前各供案每案皆薦俎

主人詣高祖案前

執爵者奉爵主人獻爵奠於正中

此是獻爵但安定於案上而不

以酌地

跪叩興

主人以次徧詣會祖祖

福各案前

獻爵皆如前儀

謂皆奠爵於正中

子

弟分薦者徧獻祔位酒

主人退

立於拜位

贊讀祭文

主人跪

族姓皆跪

祝詣祝

案之左跪

讀

維某年月日孝孫某謹告

於某考某官府君某妣某封某氏之靈曰氣序流

易時維仲

春夏秋冬

追感歲時不勝永慕謹以潔牲庶

品粢盛醴齊敬薦歲事以某親

謂舅謂位之首

某氏

謂女

耐位之首等耐食尚饗

祝興以祭文復於祝案退

主人以下皆一叩

興

贊亞獻

庖人納羹與飯於東房

羹飯俱治於庖者故須此時納

入東房而後主婦等得以薦也

主婦率諸婦和羹以實於鉶

又實飯於敦

按鉶敦皆早在房中者

出薦於案

分薦於四

室前之各案

薦腊肉炙胾

此實於簋與豆者

皆徧跪

叩

興 退入於房

主人獻爵於各位之左

謂四室之位前各安定其爵於左不必酌地

子弟分薦者徧獻耐位酒

贊三獻

主婦率諸婦出於房

薦餅餌與果

蔬 叩

退入於房

主人獻爵於各位之右

子弟分薦者徧獻耐

位酒

贊受嘏

祝取高祖供案之酒饌

謂少取酒
畧取饌

降至

香案旁

主人詣香案前

跪

祝代祖考

致嘏於主人

主人啐酒嘗食

反器

祝接以興

主人一叩

興

復位

贊送神

主人以下

一跪

三叩

贊望燎

祝取祭文由中門出送燎

主人退

避東階下

行輩長者咸降階

近南而望燎

主

人詣燎位視燎畢

與祭者皆出

主人率子弟納神主

上香

行禮

當如質明啟室之儀

徹祭器傳於燕器

潔滌祭器謹藏之

闔門

闔各室之門且闔堂門

各退

日中

僕人布餼席於堂

北上

席近北者尊近南者卑

陳醢醬於席之四隅

琖楪匙箸之屬皆備

從會祖輩居東第一席

從祖輩居西第一席

諸父輩次東之席

諸昆弟輩次西之席

諸子輩在東之末席

近南

諸孫輩在西之

末席

與祭者尊卑咸集

主人肅尊者

凡尊於主人者

入席

從曾祖輩卽席

居東第一席

從祖輩東向尊者

向從曾祖輩之席

肅揖

而後就席

就西第一席

諸父輩東向尊者

向從曾祖輩

肅揖

又西向尊

者

向從祖輩

肅揖

而後就席

就次東之席

諸昆弟輩東向尊者

向從曾祖輩

肅揖

又西向

尊者

向從祖輩

肅揖

次東向尊者

向諸父輩

肅揖

而後就席

就次西之席

諸子輩東向

東第一席

尊者

向從祖祖輩

肅揖

又西

向

西第一席

尊者

向從祖輩

肅揖

次東向

次東之席

尊者

向諸父輩

肅揖

次又西向

次西之席

尊者

向諸

昆弟

肅揖

而後入席

入東之末席

諸孫輩東向

東第一席

尊者

向從曾祖輩

肅揖

又

西向

西第一席

尊者

向從祖輩

肅揖

次向

次東之席

尊者

向諸父輩

肅揖

次又西向

向諸昆弟輩

肅揖

復東向

東之末席

尊者

向諸子輩

肅揖

而後入

席

入西之末席

以上凡言從曾祖輩云云皆據主人所稱呼而言以歸畫一便於觀覽耳非謂族衆之通稱也

主人離席

僕執壺實酒以從

主人酌諸尊

長酒

主人親斟酒於尊長之杯中

每酌一人酒

皆謂主人尊長

主人肅揖

尊長答揖

酌尊長酒既徧

主人乃就席

子弟之長者離席

僕人執壺以從

敬酌

主人

當如主人酌尊長酒之儀

諸子弟

凡行輩卑於主人者

咸避席

謂皆出於席之外

向主人揖

主人答揖

皆

復位

主人命子弟徧酌酒

行輩卑者主人未嘗酌以酒故命各席子弟分酌之

各席中

謂主人子弟輩之席

少者

當謂每席中之最少者

舉壺各酌

於其長者

既徧

皆坐

主人興

舉酒請於尊長

復坐

尊長

嘗酒

衆迺嘗酒

至僕人進食

主人

興

請於尊長

復坐

尊長舉箸嘗食

衆迺皆食

每一進食子弟相閒行酒

輪勸尊長飲酒

酒三巡

長幼獻酬交錯

飲無算爵

飲湯

食飯

既畢

尊長起

主人

請留

尊長告以既飽

遂離席

諸子

弟咸相隨離席

以次而出

主人送尊長於門外

復入

主人命徹席

餽庖人與僕人皆盡

推廣神惠
徧使食盡

不敢褻神
之餘也

歲逢令節

三品以上官

每案薦物

謂每一
室之前

所設
案

時果四

庶羞四

羹飯皆具

七品以上官

每案

時果二

庶羞四

羹飯皆具

八品九品官

每案

時

果二

庶羞二

羹飯皆具

是日夙興 主人盛服率族姓子弟入廟 灑

埽 然鐙 設案於各室前 每室之前各設一案

子弟分陳匙箸壺琖之屬於案北 每案皆陳於近北

啟室

主人盥洗 主人立於總香案前 族姓以次

序列於主人之後 主人跪 焚香 叩興

子弟奉果羞以從主人 主人詣高祖 考位前

薦果薦羞畢 子弟舉壺取琖酌酒進於主人

主人奠酒 子弟復奉羹飯以從 主人

薦羹與飯 主人以次詣各案薦果薦羞奠酒

皆徧皆如前儀

主人退至總香案前 率族姓子弟 一跪

三叩 興 子弟徹饌 主人闔室闔各室之門

皆退

月朔日 主人豫備茶食之屬 每案二器

夙興 主人盥洗 盛服 率族姓子弟入

廟 灑埽 潔神案 啟室 序位於

總香案前如時節薦新序列之次

主人跪 焚香 叩 興 子弟奉食物及茶

以從 主人詣各神案前每室前各有一案 以次

供食供茶畢

退

復位

主人率族姓

子弟行禮

如時節薦新之儀

徹

主人闔室

闔各室之門

皆退

歲逢忌日

前期

齋

厥明

主人及子弟素服

詣寢堂

啟室

出專薦之主於案

是日專薦忌日之主不及其他

焚香

薦酒及饌

讀祝

行禮

如

時節薦新之儀

禮畢

徹

納主

闔室

退

歲寒食節

或霜降節

主人夙興

主人率子弟素服

具酒饌

詣墓

既至墓

芟除荆草

設饌於墓前

主人以下序立

焚香

再拜

興

別陳饌於墓左

祀土神

行禮如儀

品官家儀考證

番禺林伯桐撰

男世懋校刊

祭儀考證

始祖準古之別子考

古者氏族分明則始祖爲人人所共知後世遷徙靡
常在都會中又未必聚族而居則始祖尤爲難識然
仕宦之家則易知也秦文恭公蕙田曰若崛起而爲
公卿者其子孫奉爲始祖亦與古人別子之義相合
五禮通考考古禮始祖由于分封禮記大傳別子爲

祖孔氏

穎達

曰別子謂諸侯之庶子也諸侯之適子

適孫繼世爲君而第二子以下悉不得禰先君

此所謂大

夫不敢祖諸侯

故云別子別于正適或是異姓始來在此國

者又云爲其後世之始祖也

禮記大傳正義

後世既

非封建則無諸侯庶子之別但當以始遷及有封爵者爲始祖準古之別子始祖有定而後一族之人皆知同出于某祖雖禮祀四代或未及于始祖而有始祖墓可拜者則展墓之時合族相見其支派之親疏遠近皆易得分明

宗廟不妨草創考

士大夫當得立家廟而力不能強不妨從其至簡便者粗具規模以待後之人管與之同曰古者自天子諸侯大夫至于士官師皆有廟惟庶人乃祭于寢自宋以後士大夫之有家廟者希矣後世有家堂而少家廟其家堂或置于中閨人神雜糅自家廟禮廢而五服之親有終歲不相謀面者此有志之士必汲汲以宗祠爲務也吾家自蘇州遷于江甯將三百年乾隆中卽欲創建宗祠而不逮道光七年族人共捐白金市宅粗加繕飾而祠屋成姑易家堂之制而爲家廟之規以稍明夫尊祖收族之誼視爲始事而勿視

爲成事可也

因寄軒文二集

謹案君子將營宮室宗

廟爲先

曲禮

報本追遠於是乎在所當急先務者矣

宗廟之祔當核不可苟且考

世俗建立祖祠不考立廟之義不講遷祔之儀其祠之中祔主無數其意亦厚而於禮已失又其甚者計資入主富者以得入爲榮貧者以不得入爲恨不特於立廟之義背馳併其祭祀時多所窒礙亦具文耳

毛初晴

奇齡

曰禮有牲祭必特設矣卽合祭一堂亦

必各設祭禮于主前今但設簋簋鼎俎邊豆于堂中其配食者枵然也不惟不祭抑且不薦不惟不薦抑

且不簋庶人無廟猶得市肉以享獻其親而祠堂一
設竟至合通族之父而皆爲若敖之鬼亦可畏矣經
問然則俗所謂合族祠乖於禮制亦未之思耳

宗廟當以貴者主祭考

宗子之制既已失傳酌乎人情變而通之宗廟祭祀
以爵祿最尊者爲主考方清恪公觀承曰今世宗法

已亡亦無世祿祭用貴者之祿倘支子爲卿大夫而

宗子直是農夫如之何反使農夫主祭而卿大夫不

得祭也

五禮通考

李文貞公

光地

曰古者宗子族人

之所尊重故祖宗之神于焉憑依今則輕而賤者已

素人情不屬而鬼神不附則不得拘支子不祭之文而惟斷以無祿不祭之法揆以王法人情無可疑者使祿於朝者執爵奠而設宗子之位參焉此余家見行之禮又曰爵位稍相亞者則先宗子遠相懸者則先支子也

安溪全集

魯山木

仕驥

曰

聖朝品官家祭之禮視官品之尊卑以爲廟制之隆殺則主是祭者卽得立此廟之人也

山木居士外集

許西山

三禮

曰考經卿大夫之孝曰然後能守其宗

廟士之孝然後能保其祿位而守其祭祀益見宗廟祭祀關乎祿位則宗法當以貴貴爲定明矣又曰因

祿位而方得祭饗歷代先人更以明國恩而重作忠之感補定大宗議合觀諸說則因時制宜禮之窮而不得不變者也

祀產必須詳立規條考

人家有孝慈之心者不可無綜核之意但以寬為主則不能經久矣魏季子禮曰祖宗烝嘗規則爲先如

農之有畔蓋自治者以上智爲宗而立法者以通于

下愚爲善是以不肖者有短垣之限不敢自踰魏季

子文集王述菴和曰家之有儀範猶守國之有律令

格式也立國者鴻綱細目大小畢舉而典儀政要通

禮牧事諸書復沓繁芻而不可畧者以爲不如此不足
以昭示來許實爲世守春融堂集蓋事欲其久遠
必立法盡善乃易於遵循也

祀產必須後人善爲保護考

前人竭盡心力立爲祀產而後來人事雖智者不能
預知也其維持補救不能無望于後之人而或族人
無甚遠識以爲前人己盡力後來只當安享其成不
惟不能設法保護且隨時隨事而消耗之若非有一
二賢子弟相繼而起則前人之心力既虛且使無識
者得所藉口因噎廢食殊可惜也王述菴承曰范文

正公於慶厯元年創置義田至治平元年纔二十四年耳范忠宣公之劄已有諸房子弟不遵規矩漸至廢壞之語後一百七十餘年至嘉定三年司諫范之柔奏言田畝僅存蠹弊百出又曰蓋文正啟之忠宣繼之司諫終之規矩始爲大備繼續之不易如此春融堂集則欲先澤之貽久而弗替是賢子弟之責也

公產尤宜謹守考

世俗於公產多不甚愛惜蓋族人曉事者必不多得即使勞力悉心以治公產罕有體諒者即使貌爲料

理甚或藉詞推諉亦罕有責脩者故盡力者少不知此非求福之道也唐翼修彪曰公眾器皿屋宇尤宜愛惜修治不分人我致福尤多

人生必讀書

謹案子

孫眾多于祖宗皆一本一本者一氣也凡物有分而氣則合凡物有所止而氣無不通是以子孫有不得所者祖宗必未安欲安祖宗必須收族公產之設誠良法也有志報本者所當身任其事相與保護不得視同隔膜者矣

公產須立法維持考

凡族中有好事之徒專以公產生事則創置之初卽

當預防其弊考刑部尙書張文敏照之祖捐置贍族
義田雍正十年奏準由部立冊存案刑部尙書韓封
捐置義田嘉慶二十年呈請由部給照兵部右侍郎
曹師曾將其父秀先捐置祠學義田嘉慶二十三年
奏準存案子孫不得擅賣外人族人不得擅買由部
立冊載入縣志吾學錄此則設法防閑至爲周密子
子孫孫勿替引之者矣

先人有靈常當警戒考

人家宗族相保賢子孫維持之也然賢子孫雖眾維
持甚難不肖子孫但得有一足以僨合族之事而灰

賢子孫之心此其人蓋以祖宗爲無知而生人固無如之何耳然生人能制止與否尙當視其時勢而祖宗必陰罰之則有一定者錢文敏公曰祖父之生爲人人以形治形有所隔隱微有所不知其死也爲鬼鬼以氣治氣無不通一念之動無不知之 茶山文鈔其說甚分明可以爲戒

保守家廟必要有教考

設立宗廟非徒享祖考之神卽所以立一家之教考廣雅祖灋也知祖之爲灋則保世滋大非教不成王述菴 規曰古之卿大夫士皆得立廟以祀其先里人

侈爲美觀而子孫降爲皂隸祠屋亦淪草莽何可勝
數蓋由其後不才不學故未及久而遽墮也又曰給
米贍其身已爾若設塾而加以教焉設有一二異材
者出將族人得所庇蔭卽或僅爲博士弟子或并博
士弟子不能而入歲入塾日聞先生之教必稍有所
解卽有器凌亢暴放恣佻達之徒磨礪漸革亦不至
小人之歸則有益于人材者甚大于是以田若干畝
置之于塾以供祭祀及子弟之用又畀以書四萬卷
金石文字一千卷教養之資粗具

春融堂集
觀於此

者族人日多可不以教爲急乎

親親當寓勸懲考

子姓繁衍總宜整齊乃易于和睦不知者喜寬而惡

嚴則流弊多矣王述菴

昶

曰凡不孝不弟奇袤賭博

及淪於賤業蕩廢遺產者皆不得與于振卹卽瞻族

之中寓勸懲之至意

春融堂集

則凡子弟不肖者急

宜猛省不能以賑卹有資稍存傲倖之心也

上世遺物有神考

見祖宗之一物皆當有思慕之心焉以其爲神靈所
存也韓皋家自黃門以來三世傳執一笏經祖父所
執未嘗輕授于僕人之手歸則別置在卧內一榻以

示敬謹

唐語林

段懋堂

王裁

曰吾母平生用物今勘

存者惟疏頭几一鏡箱一臉架一小匱一尙存皆吾

母嫁時物也徙居蘇州取几供書室中思慕不置因

作銘以遺子孫

經韻樓集

魏伯子

際瑞

曰衣冠附形

形必有氣性順而氣習之香臭之物置諸笥物去而

香臭不散其氣積也

魏伯子文集

則見遺物而念其

親亦孝子慈孫所不能已之思也

先世遺集尤當貴重考

于家廟藏遺物祭器然認真者亦少錢竹汀曰古
人家風雍睦于上世遺跡慎重而保護之此卽孝友

之見端今簪纓華胄祖父間有誤述任其覆瓿糊壁而不之惜欲其後勿弃基難矣

潛研堂文集

王蘭泉

利曰昔王右軍書至方慶而成寶章集顏元孫作干

祿字書至魯公書而刻之

春融堂集

陸桴亭

世儀

曰

祖宗所著遺書宜另寫副本其真本當裝訂珍藏非致齋之日不得妄啟

思辨錄

謹案古人家學相傳愈

傳愈顯遺集所存卽神靈所寓守而勿失獨非子孫之至情乎

祖宗所遺書札亦當擇其人而存考

祖宗之手筆固當謹守而世族平日往來尺牘多是

名人且多有佳作以暇日存省擇而存之亦孝慈之一事也萬季野曰夏日與六兄充宗閣家藏羣公手札見有冢宰汪鉉與高王父書中丞喬應甲與王父書斯同曰是小人之尤也盡斥之已而充宗整家乘錄羣公手札于二集遂弃二札不錄其他若趙莊靖若鄒文莊雖片紙而不遺若文徵仲若王雅宜雖布衣而必錄

羣書疑辨

觀於此爲人子孫者當知慎守

先澤益當知小人之不可爲也

合族以五世爲率考

人家族衆雖多亦當有聯屬之法陸桴亭

世儀

曰凡

人家相見者大約只五世無六世相見者相見便有
情有情便有服故五世而服窮也今有二三世以內
目不相識者固非然聚族而處有多至萬餘丁者恐
人丁太眾有不可禁戢之事必如古人五服之制乃
得思辨錄按此論甚確始祖之廟合族不止至于五
世然所聯屬者總以五世爲定各自聯屬則如指臂
之相爲用矣

宗會之法不可廢考

人情久不相見未有不思念者况宗族乎王厚齋應
曰伊川云凡人家法須月爲一會以合族古人有

花樹韋家宗會法今不傳岑參有韋員外家花樹歌
君家兄弟不可當列卿太史尙書郎朝迴花底常會
客花撲玉釭春酒香此詩見一門華鄂之盛

因學紀

聞明宋文憲公

濂

曰譜固陸族之本也然無法以行

之安能久而無壞乎欲其久而無壞可以化同姓者
凡月之吉少長咸會于先祠拜謁畢齒坐命一誦古
訓及邦法誦已長且賢者釋其義而諷導之書會者
名于冊其行有孝弟忠信者俾卑且幼者旅揖之而
著于其名之下有悖戾之行者命徧拜羣坐之尊者
以愧之踰月而能改者如初

芝園續集

蓋宗族日繁

里居相遠各營事業會面時稀有月會以聯屬之而互相勸懲親親之心有不油然而生者乎

譜系之學宜講求考

族之有譜所以收宗族厚風俗非徒別其昭穆尊卑也王述菴昶曰魏晉以降竝有圖譜局置郎令史以掌之族盛者又各纂錄排次用以別生分類尊祖收族

春融堂集

林平園曰譜圖之法創自歐蘇歐譜斷

自可見之世倣服制九九圖截其半分兩格重其第五世以爲上下四世俱可見者也蘇譜小異而大同上自高曾祖父下至子孫曾元俱可次皆小宗譜法

也歐譜自一世至百世皆可系則大宗譜法亦寓焉
老蘇又別爲大宗譜法故後世講譜學者推歐蘇又
曰歐譜之相系限于格一人之本末不能盡于寸幅
蘇譜之相次可各自爲註故詳世次而畧世系所謂
兩譜分合兼用則兼善也

平園雜著

考萬斯大修宗

譜內集曰姓源曰始祖錄曰世系圖曰家傳曰世恩
錄曰崇祀錄曰先塋錄曰遺容錄曰祖訓錄曰冠昏
儀曰祭祀儀曰祠堂儀曰厚族儀曰家集錄曰世澤
銘曰遺跡考外集曰存徵銘曰藏書銘

萬氏宗譜魏

叔子曰萬氏之世業于斯爲備世之爲宗譜者蓋未

之見也

魏叔子文集

是譜系之學古人最重世家大

族豈可存而不論乎

宗譜當世守考

世祿之家流傳日久遷徙無常而譜牒具存源流支

派燦然畢列所關不綦重乎姚姬傳

肅

曰譜欲簡要

而卷冊少俾子孫百世流轉海內易攜以行其體當

畧如古世表之法

惜抱軒文集

是則修譜者無取乎

遙遙華胄繁稱博引也惟文簡而易檢斯傳久之道

與又考宋文憲公曰鄭仲涵

淵

常明初奔走兵燹中

人見其袖二書以行頃刻弗離及事平取而視之乃

宗譜家範也

藝坡後集

古人於顛沛流離之際而不

忘敦本睦族之心聞其風者可以興起矣

展墓不可憚煩考

世俗每年一展先墓猶有倦于行未之思也元黃

晉卿先生

性

篤孝親塚在三釜山去所廬十里月

旦望必展省大寒暑不易

宋文憲公金華黃先生行狀

是每年二

十四次展墓也今雖不必然亦可以稍增思親之誠

矣

受業金鈔書覆校